

## ऐकली खड़ी रे मीरा बाई ऐकली खड़ी ओ हो

ऐकली खड़ी रे मीरा बाई ऐकली खड़ी ओ हो  
मोहन आओ तो सही गिरधर आओ तो सही  
माधव रे मंदिर में मीरा बाई ऐकली खड़ी

थे केहवो तो सांवरा में मोर मुकुट बन जाऊं  
पेहरण लागे साँवरों रे, मस्तक पर राम जाऊं, वारे  
मोहन आओ तो सही गिरधर आओ तो सही  
माधव रे मंदिर में मीरा बाई ऐकली खड़ी

थे केहवो तो सांवरा में काजलियो बन जाऊं  
नैन लगावे साँवरों रे, नैना में रम जाऊं, वारे  
मोहन आओ तो सही गिरधर आओ तो सही  
माधव रे मंदिर में मीरा बाई ऐकली खड़ी

थे केहवो तो सांवरा में जल जमुना बन जाऊं  
न्हावन लागे साँवरों रे, अंग अंग रम जाऊं रे, म्हें तो  
मोहन आओ तो सही गिरधर आओ तो सही  
माधव रे मंदिर में मीरा बाई ऐकली खड़ी

थे केहवो तो सांवरा में पुष्प हार बन जाऊं  
कंठ में पहरे साँवरों रे, हिवड़ा पर रम जाऊं, म्हें तो  
मोहन आओ तो सही गिरधर आओ तो सही  
माधव रे मंदिर में मीरा बाई ऐकली खड़ी

थे केहवो तो सांवरा में पग पायल बन जाऊं  
नाचन लागे साँवरों रे, चरणा में रम जाऊं, म्हें तो  
मोहन आओ तो सही गिरधर आओ तो सही  
माधव रे मंदिर में मीरा बाई ऐकली खड़ी

<https://www.bhajanganga.com/bhajan/lyrics/id/924/title/aikli-khadi-re-meera-ba-aikli-khadi-rajasthani-krishna-bhajan>

अपने Android मोबाइल पर [BhajanGanga](#) App डाउनलोड करें और भजनों का आनंद ले |